



## **Universitätsbibliothek Paderborn**

**Cornelii Jansenii Ipreensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

Sect. IV. Obvius primæ sensus non ex nudis Jansenij verbis sed [et]c.  
dijudicandus est.

**urn:nbn:de:hbz:466:1-39351**

*Damnatus Jansenianæ sensus obvius non  
ex nudis Jansenij verbis, sed ex Jan-  
seniani Libri contextu Antece-  
dentiū & consequentium nexus  
dijudicandus est.*

**R**evixit cum jubilo Janseniana Phalanx seu potius Paucitas, ubi Innocentius alter, Nempe XII. obvium Jansenianæ Pentados sensum declaraverat eum, quem ipsamet propositionum verba exhibent. Hic nactos se autumabant causam primogenias argutias & cavillationes reforbendi, Jansenium insontem censendi, dummodò Propositiones prout sonant damnarent; satisfacturos se rati si ad Calvinianos vel Lutheranos eas sensus postliminiò reducerent, & non ut novam sed ut alias in Tridentino damnatam eam Anathematizando, corde interim sentientes in sensu libri Janseniani non modò esse Augustinianas, sed inter fidei dogmata accensendas. Ità Pontificem Innocentium cum Innocentio committere non sunt veriti, quasi posterior Prioris Constitutionem alterasset. Sed & hi in umbrâ captatâ turpiter delusi sunt, cum Innocentius XII. propriâ interpretatione Brevis suæ hasce officias disputit. Siquidem non tantum constitutionem Innocentii X. & Alexandri VII. confirmavit; sed etiam puniendos sancivit Jansenistas qui proprios sensus à sensu Apostolicarum constitutionum dissentaneos edunt. Et altero Brevi: *non sine grandi admiratione intelleximus, nonnullos in istis*

232 LIBER SECUNDUS

diæcessibus reperiri, qui verbis & calamo ausi fuerint affirmare supra dicto nostro Brevi alteratam seu reformatam esse constitutionem Alex. VII. 16. Oct. 1656. editam, nec non Formularium ab ipsomet pronuntiatum, cum dicto Brevi utrumque specificè confirmetur, & omnino intenderimus, & intendamus iisdem adhærere, & nequaquam sinere, ut aliquid addatur vel dematur à predicto Formulario, illud quovis modo alterando in aliquâ ejus minimâ parte, sed quod in omnibus & singulis ejus partibus uti mandavimus, mandamus etiam ad amissim observari.

Quod ipsum reperit Clemens XI. in constitutione: - Vixit in Domini. Ubi & illos perstringit qui afferunt "Ad obedientiam prefatis Apostolicis Constitutionibus debitam non requiri, ut quis predicti Janseniani libri sensum in antedictis quinque propositionibus, sicut præmittitur, damnatum, interiorius ut hereticum damnet; sed satis esse, si de ea re obsequiosum (ut ipsi vocant) silentium teneatur. Tandemque præcipit, damnatum in quinque propositionibus Janseniani libri sensum, quem illarum verba pre se ferunt, ab omnibus Christi fidelibus ut hereticum non solum ore, sed & corde rejici, ac damnari debere, nec aliâ mente, animo aut credulitate supradictæ Formalæ subscribi licet posse, &c

Cum autem Janseniani libri sensus non sit Calvinii, non sit Lutheri sed ipsius libri foetus, quem Jansenianam heresim Pontifex appellat; operam perdit Palladius cum suis summistis magnis conatibus eum à Calvinismo & Lutheranismo dispelendo. Ineit ergo propria quædam impossibilitas Janseniano volumini quam Romani Pontifices in eo damnaverunt. Primam vero propositionem hâc Censurâ notârunt: Temerariam, impiam, blasphemam, Anathemate damnatam, & hereticam declaramus.

SECTIO